

## Projektne aktivnosti 4.c u okviru eTwinning projekta „Čakavica u srcu 2“

Učenici 4. c razreda sa svojom meštrovicom Jagodom Čopac ove školske godine nastavili su s projektnim aktivnostima u okviru eTwinning projekta „Čakavica u srcu 2“. Ljubav prema čakavici i očuvanje zavičajnog govora od zaborava kroz različite učeničke likovne, literarne, dramske i glazbene aktivnosti uz jačanje njihovih digitalnih kompetencija glavni je moto projekta. Bogatstvo projekta čini suradnja s učenicima iz drugih škola. Ove školske godine sudjeluju projektne partneri iz šest splitskih, četiri kaštelanske te po jedne solinske, korčulanske i opatijske škole.

Prva rujanska aktivnost bila je predstavljanje projektним partnerima. Ovako smo se predstavili:

Mi smo dica s Trstenika, skule ča ni daleko o našega lipega plavega mora. Volimo špjegat na čakavici, čuvamo je ka joči u glavi jerbo ne bi tili da se zaudobi lipa spliska besida oli dalmatinska rič. Ča nan je drago čut da i u drugin skulan dica sa svojin meštrovican govoridu i pivadu na čakavici. Poradi tega nek naša lipa besida ča duje traje jerbo samo tako moremo sačuvat užance olitiga običaje.

Sritni i veseli bili i barenko do sto godin živili!



U listopadu smo odradili više aktivnosti.

Guštali smo pivat himnu projekta Lipi naš ČA jerbo je lipo stivala verse i note naša meštrovica Sandra. Pivamo da se cila skula ori. Našoj pismi i veseju nima kraja.

Lipi naš ČA nek se ne zaboravja! <https://youtu.be/y1waXfJTkQ>

Za Dan kruva bili smo u Antoničinom mlinu u Žrnovnici. Misili tisto i činili kruščiće ča smo i' jili onako teple. Bija je to lipi doživjaj pa smo notali pismice u akrostihu.





**Dan kruva**



**D**ico draga, počujte sad riči,  
**A**rivat će dan sa štrucon u priči.  
**N**ike beside možda i ne znate,  
**K**ako tisto s kvason naboti,  
 poraste.  
**R**ukan se misi, tišće snagon tila,  
**U**mišan dobro ka balota je bila.  
**V**rila peč koricu mu skroji,  
**A**troke svemu, friški je najboji!

Roko

**Dan kruva**



**D**anas san baš prigladnija,  
**A** nima ništa boje vengo  
 pojist fetu kruva.  
**N**iki lipi topli kruv,  
 ča bi mi dobro sija,  
**K**ruv je blagoslovena spiza,  
**R**adi ga se jubavju cilon.  
**U** pekari i danas ka kruv ariva,  
 omar ga svi vazmu.  
**V**eli il mali, nikoga ni briga,  
**A** ča su ga justa puna i jidu ga  
 uz puno sriće i smija!

Toni

**Dan kruva**



**D**a mi je bokun kruva s nutelon,  
**A** da je uz to topal i frižak,  
**N**e triba mi ništa više ni poželit.  
**K**a bi mi se barenko žeja ispunila,  
**R**adosan bi bija,  
**U** skulu bi iša zadovoljan i sit,  
**V**ršnjaciman bi tega kruva podilija,  
**A** sviman veseje umnožija!

Karlo

U mesecu studenome obilježili smo Dan sjećanja na žrtve Vukovara likovnim i literarnim radovima. Da se nikad ne zaudobi!



<file:///C:/Users/Korisnik/Downloads/Vukovar%20-%20literarni%20radovi.pdf>



Maslina ni neobrana! Jema je, Bogu fala, jošćec ko obrat. Vridne ručice dice iz 4. c jedva su dočekale da moredu pobrat zriłe plodove za uje ča zlata vridi.



Ni to ni sve. Potla berbe maslin, lipo su dica naslikali cablo maslin i pisali pisme o tom svetom cablu.



<file:///C:/Users/Korisnik/Downloads/Maslina%20-%20literarni%20radovi%20.pdf>

Studeni je misec o' libra. Jemali smo za lektiru libar Snig u Splitu. Našen Toniju ni bilo mrsko s ćaćon poč pronać mesta ča se spominju u libru. Donija nan je i slike jerbo mu drugačije ne bi povirovali. I tako je naš Toni bija na Toću... i pogodite di jošćec!?




Naš Roko nan je nota reklamu za libar:

Proštit ovaj libar triba svako dite da se ne zaudobi vrime ono staro kad su naši dide oli pape bili jušto dica ka ča smo i mi.

Prosinac je misec pun veseja, jubavi, pisme, darivanja.... Sveti Mikula nan je donija svima dare pa smo i zapivali pismu ča je notala naša meštrovica Sandra.

<https://youtu.be/r8P85oUyI5o>


Na satu Likovne kulture čizmice smo ukrasili prigodnin čakavskin ričima.



Pravi šušur orija se atrijon skule jerbo su dica i meštrovica jemali prodajnu izložbu o' stvari ča su vridne ručice naše dice načinile. Vaja i ove blagdane nikin judima pomoć jerbo srića je dilit s onima ča in je potriba.




Vajalo je i našin dragin projektnin partneriman načinit niku digitalnu čestitku jerbo sa' lipe riči arjon letidu, a ne ka prin ka bi notali na lapiš.





Lipo nan je ova nova tehnika omogućila da se vidimo i upoznamo drugu dicu i njihove meštrovice priko videokonferencjuna. Je'ni drugima smo se predstavili, zapivali Mikulu svetog i zaigrali kviz poznavanja naši užanci. Ajme ča smo guštali!



Jedva čekamo početak skule u novom litu jerbo drugo polugodište višje dura pa će bit zanimljivo.

Pripremila: Jagoda Čopac, učiteljica izvrsna savjetnica